

駁

案

彙

編

福建司

卷一百一十八

起爲殺傷男命事會看得閩清縣池體文砍傷
無服族兄池能京身死一案據福建巡撫余文
儀疏稱緣池體文與池能京素無嫌怨池能京
向池體文兄弟典有田畝耕種其田卽在池體
文屋前池能京常至池體文家往來池體文同
妻李氏與胞兄池體宏并嫂陳氏同屋居住乾
隆三十八年六月十八日池體宏往池厝草家
帮工卽住宿其家至二十二日池體文往田耕

草下午時候池能京乘間潛入池體宏之妻陳氏房內與陳氏調戲成姦并約是夜仍往睡宿適被池體文之妻李氏窺破至晚池體文工作回家李氏向未與言詎池能京於更靜時候復從壁孔扒入陳氏房內姦宿至半夜不覺咳嗽池體文疑係兄回詢妻李氏告知情由知爲池能京在伊嫂室內宜淫心懷忿恨隨即起身往捉房門被六倒扣尋取鐮刀撬開而出池能京兩相撞遇池體文上前向

打池體文舉鎌刀抵格割

傷池能京兩胎膊并左肱肱又砍傷其額門左
邊池能京往田奔逃池體文持刀尾追至坑尾
樹下池能京轉身向毆池體文用刀抵格致傷
池能京額門右邊倒地池體文畏懼潛歸詎池
能京傷重當即殞命次早屍父池從文因子未
回赴田查看見有血跟跟至坑邊樹下尋見屍
身有傷具詞控告究出前情屢審供認不諱查
池體文雖係應得捉姦之人但池能京已經奔

逃乃追至坑尾砍傷致死既非姦所又非登時
情同擅殺將池體文依罪人不拒捕而擅殺律
擬絞監候陳氏擬以柳杖等因具

題前來查律載罪人持仗拒捕其捕者格殺之勿
論又例載本夫及應捉姦之親屬姦所捉獲非
登時而殺仍照夜無故入人家例擬以杖徒各
等語此案池體文因池能京在伊嫂陳氏房內
姦宿該犯詢知氣忿起身往捕因門被倒扣尋
刀撬開池能京聞一走出撞遇先用門攘向毆

池體文用刀格砍其顙門左邊等處也能京受傷奔逃池體文追至坑尾池能京復轉身毆打該犯又砍傷其顙門右邊殞命細核案情池能京與陳氏調戲成姦之時卽經池體文之妻李氏窺破追至夜半復在陳氏室內宣淫姦情已爲確鑿池體文係陳氏夫弟例許捉姦一聞咳嗽隨往捕捉雖門被倒扣撬開稍遲而一經開門卽與池能京撞遇是獲姦正在姦所池能京一見池體文卽先用擲毆打其持仗拒捕又屈

顯然若池能京死于先砍之傷則該犯登時格殺律得勿論今因其既已奔逃追砍致死亦與姦所獲姦非登時而殺之例相符該撫遽將池體文依罪人不拒捕而擅殺律擬絞情罪尚未允協未便率覆應令該撫按律妥擬具題到日再議等因題駁去後續據福建巡撫疏稱查池能京與陳氏調戲成姦之時既經池體文之妻李氏窺破迨至半夜復在陳氏室內宣淫池體文一聞咳嗽詢知係池能京在房起身往捕雖

姦情本屬確鑿但池能京聞聲已開門逃避追
兩相撞遇據池體文供稱池能京用門環毆打
並未受傷而池體文卽用鐮刀劃傷池能京兩
胳膊并左抽肋又砍傷其顙門左邊是池能京
之用門環毆打僅係一面之詞如池能京卽時
身死池體文似難照格殺勿論至池能京往山
奔逃被池體文追至坑尾樹下池能京轉身向
毆池體文用刀砍其顙門右邊倒地身死距池
體文住屋半里則已遠離姦所且以黑夜追逐

始經殺死亦與登時不同是以原招將池體文
照罪人不拒捕而擅殺律問擬絞候今復加確
核池體文聞知池能京與伊嫂通姦起捕斯時
未經捉獲乃追至坑尾殺死雖係已離姦所究
因池能京奔逃所致自應遵照未減性是擬以
杖徒似與姦所捉獲者又無區別將池體文改
照罪人不拒捕而擅殺絞律量減一等擬流池
陳氏仍照前擬枷杖等囚具

題前來查池體文因池能京與伊嫂陳氏黑夜宣

洋該犯一聞咳嗽卽開門起捕撞遇捉獲其先
用刀砍傷之時正在姦所既有原驗屍傷爲憑
查閱姦婦陳氏供內亦有見兩人打架不敢起
來解勸之語是池體文在姦所獲姦已有確據
惟因池能京負傷奔逃該犯追至坑尾樹下砍
斃殺死雖不在登時而捉獲寔未離姦所正屬
姦所獲姦非登時而殺罪應徒杖例有正條今
該撫轉引擅殺罪人絞律量減一等擬流情罪
仍未允協池體文應改依本夫及親屬姦所獲

姦非登時而殺仍照夜無故入人家例杖一百
徒三年該撫疏稱池陳氏仍照姦同宗無服之
親例枷號四十日杖一百係犯姦之婦杖罪的
決枷號收贖等語應如該撫所題完結等因乾
隆三十九年十月十二日題十四日奉

旨依議欽此

山西司

一起爲報明事會有得王有盤因姦勒死本夫房
有昌一案先據署督撫巴延三疏稱緣乾隆三
十八年二月間王有盤與房有昌之妻王氏調
戲成姦迨後屢次宣淫三十九年十二月初七
日王有盤至房有昌家房有昌坐炕不理王有
盤疑其窺破姦情旋即回家初八日王有盤路
遇房有昌相隨同行房有昌不復交言王有盤
益疑姦情敗露即起意謀害時至傍晚王有盤

見前有士審欲哄房有昌進內相機下手聲言
天氣寒冷進審暫避房有昌走入蹲踞在地王
有盤乘其不備仰面推倒騎坐心坎並將兩胎
膊壓住緊搭咽喉拉下房有昌腰繫皮繩從其
項下繞過用力狠勒立時殞命王有盤將繩頭
結住而逸審認不諱將王有盤依律擬斬監候
秋後處決房王氏依律擬絞監候等因具

題前來應如該撫所題王有盤依因姦殺死本夫
律擬斬監候秋後處決並查閱全招房王氏聞

無名男子被勒身死因衣服年貌與伊夫相類
卽思伊夫並無仇人惟王有盤與伊有姦或被
伊害當時差役告知復向夫叔房世輝寔告令
其稟首將王有盤立卽拿獲是房王氏尚有不
忍致死其夫之心卽應于卷內叙明照例夾簽
請

員今該撫于供詞既經叙入而看語並不聲叙以致
供看不符碍難核覆應令該署撫再行確審案
情據寔聲叙到日再議等因題駁奉

馬步親弟

夕

三知情機

一

旨王有盤依擬應所著監候秋後處決餘依議欽此
行文該撫去後續據該署撫疏稱反覆確審王
氏供稱伊夫房有昌於三十九年十二月初八
日出外覓工未回嗣因差役查問伊夫年貌服
色備細告知又因服色相同即以王有盤與伊
有姦疑係王有盤謀害是告差役並向夫叔房
世輝告知令其稟首寔是無知情同謀情事質之
差役郭青山與氏夫叔房世輝供詞相符委屬
確鑿將王氏仍依律擬絞監候併叙明王氏寔

蘇州府

蘇州府

蘇州府

蘇州府

陳氏獲下知府
擬絞一案欽奉

諭來發

單奏惟定例凡

姦夫自殺其夫

姦婦雖不知情

而當時喊救與

事後即行首告

將姦夫拍拿到

官尚有不忍致

死其夫之心者

仍照本律定擬

請督撫於疏內

聲明法司核擬

將姦夫斬

有不忍致死其夫之心等因具

題前來應如該署撫所題王氏合依姦夫自殺其

夫姦婦雖不知情絞律擬絞監候秋後處決等

因乾隆四十一年六月十三日題十七日奉

旨王氏于姦夫王有盤將伊夫房有昌謀害既不知

情經差役查問當即將姦情稟告指出正兇並向

夫叔房世輝告知令其稟官寔有不忍致死其夫

之心王氏著從寬免死照例減等發落餘依議欽

此

湖廣司

一起爲訪聞事曾看得澧州審解郭倉五主使武
有位毆死鄭家訓一案先據護湖南巡撫覺羅
敦福疏稱緣郭倉五胞弟郭六吉娶妻武氏與
郭倉五分居已久郭六吉病故武氏僱族姪郭
昭清在家做工又僱鄭家訓幫做零工乾隆三
十六年七月內鄭家訓與武氏調戲成姦嗣後
借住氏家宜淫無忌郭倉五顧情顏面不欲張
揚催逼鄭家訓搬移三十八年二月內鄭家訓

撞遇郭倉五挾嫌詈罵郭倉五投伊族人鄭禮
實理論併不許再赴武氏家中鄭家訓仍私與
武氏往來郭倉五查知將武氏斥詈併囑郭昭
清留心察看五月初五日鄭家訓復至武氏家
中與氏姦宿十六日郭昭清告知郭倉五郭倉
五往告武氏堂弟武昆若胞姪武有位商同誑
騙鄭家訓至武氏家中勸醉毆折其腿以絕往
來武昆若等允從郭倉五復邀郭昭清幫助併
向武氏言明嚇其不許洩漏郭倉五隨與郭昭

清在外潛匿令武有位先在武氏屋內等候武
昆若往騙鄭家訓同至武氏家中飲酒武昆若
武有位將鄭家訓勸醉郭倉五郭昭清走進武
有位武昆若即將鄭家訓仰面連凳扳倒以致
墊傷右肋隨勢撿住郭昭清尋取繩索縛住鄭
家訓兩肱肘兩腿鄭家訓輒稱將來定將郭倉
五等一家殺害郭倉五忿恨交迫起意致死除
害喝令武有位毆打併稱打死有伊承認武有
位隨順取門旁鐵鋤打傷鄭家訓右血盆骨頂

心旋即殞命武有位武昆若畏罪先回郭倉五
起意棄屍滅跡復令郭昭清喊同胞姪郭郎若
告知前情囑其相幫郭昭清等隨將屍安放搖
籃解下縛屍繩索連籃捆住擡至馬公湖塢上
郭倉五恐屍浮識破復檢石塊放入籃內同屍
去棄湖內回家經州訪聞獲犯檢明屍傷屢審
供認不諱查律載本夫本婦之伯叔兄弟及有
服親屬皆許捉姦如有登時殺死姦夫姦婦者
照夜無故入人家已就拘執而擅殺律科斷若

非登時以鬪殺論又律載威力主使人毆打致
死者以主使之人爲首下手之人爲從論減一
等各等語此案郭倉五係武氏之夫郭大吉胞
兄武有位係武氏胞姪均係例得捉姦之人郭
倉五因鄭家訓與武氏通姦屢次禁止不從與
武有位等商謀毆折其腿後被鄭家訓詈罵起
意致死雖非登時殺于姦所實與別項謀死不
同應以鬪殺定擬郭倉五喝令武有位毆打致
死自應以郭倉五爲首除棄屍爲首輕罪不議

外應依威力主使人毆打致死以主使之入爲
首例擬絞監候武有位依下手之人爲從減等
律杖一百流三千里郭昭清等分別擬以徒杖
等因具

題前來查例載本夫本婦及有服親屬皆許捉姦
殺非登時以鬪殺論等語原因本夫本婦之有
服親屬皆許捉姦而死者係屬姦夫是以殺雖
有心亦照鬪殺問擬至於威力主使他人毆打
致死之例係指素行豪強有威可畏之人喝令

下手致死平人而言此案郭倉五因鄭家訓與
已故郭大吉之妻武氏通姦禁阻不從商同武
有位謀毆鄭家訓致死郭倉五係武氏之大胞
兄武有位係武氏親姪均係例許捉姦之人郭
倉五激于義忿與武有位等商謀毆折其腿翼
絕往來原與別項逞兇主使者不同武有位亦
非畏懼郭倉五威力聽從下手自應照殺姦本
例依聞殺定擬今該護撫以郭倉五有喝令毆
死之言卽坐威力主使之罪與殺姦例義未符

不便率覆應令該護撫按律受擬具題到日再
議等因題駁去後續據該撫覺羅敦疏稱查有
服親屬皆許捉姦雖殺出有心亦照闖殺問擬
惟是致死情形各有不同首從罪名亦有區別
如係同謀共毆則下手之情重原謀之情輕自
應將下手者爲首原謀擬以杖流若本係謀殺
在致死凡人固應以造意及下手加功分別首
從定擬如係例得捉姦之人殺死姦夫雖照闖
殺科斷勢未便將下手者擬抵轉將造意主使

之人問擬校從致情罪輕重未平此案郭倉五
因鄭家訓與武氏通姦邀武有位等商謀毆折
其腿冀絕往來武有位聽從下手毆傷致死就
始初謀毆之情節固應以武有位擬抵郭倉五
擬流但下手之時因鄭家訓與言將來殺害其
家郭倉五起意致死除害喝令武有位毆打又
恐不肯重毆並稱打死有伊承認以致武有位
聽從拾鋤毆斃是郭倉五欲殺之心已經當衆
宣露武有位聽從毆打致死直是殺人造意加

功與僅止謀毆因而致死者實有不同且看出武有位原係郭倉五晚親素來畏懼聽從指使是以當日在場多人郭倉五獨喝令武有位毆打則鄭家訓之死實由於郭倉五之造謀主使而武有位不過聽從下手之人自應按依首從分別定擬且查乾隆十八年刑部議覆廣東省審題新安縣民黃聯亨主使黃尚禮等先後毆溺黃盤富與鄭氏致死一案因黃盤富與鄭氏通姦黃日昇等捉獲網縛報明族長黃聯亨送

官黃聯亨起意溺死除害主使黃目昇手推黃盤富黃尚禮手推鄭氏下河淹斃黃盤富泔水巡照黃聯亨喚同黃尚釐黃月英尋獲黃盤富出言罵罵黃聯亨氣忿隨令黃尚釐毆傷黃盤富髮際並左耳根殞命審將黃聯亨照威力主使人毆打致死者以致死之人爲首律擬絞黃尚禮黃尚釐均依下手之人擬流經部覆准在案是黃聯亨等致死黃盤富鄭氏之案亦因其係屬謀殺又係應行捉姦之人殺死姦夫姦婦

故照威力主使人致死分別首從問擬今郭倉
五起意致死鄭家訓囑令武有位下手毆打致
斃與黃聯亨之案情事相同郭倉五仍照原擬
依威力主使人毆打致死以主使之人爲首例
擬絞監候武有位依下手之人爲從減一等律
擬流餘照原擬完結等因具

題前來查例載本夫及應許捉姦之親屬其有捉
姦已離姦所非登時殺死不拒捕姦夫者照罪
人不拒捕已就拘執而擅殺律擬絞監候各等

語是有服親屬例應捉姦之人其在登時姦所
殺死姦夫者自當依律擬徒其非登時姦所照
罪人不拒捕已就拘執而擅殺擬絞蓋因其出
于義忿而死者係屬犯姦有罪之人不應與平
人等論故殺雖有心不加以謀殺之名而坐以
擅殺之罪乾隆二十七年臣部因各省有將捉
姦擅殺之案或畧其本罪而與謀殺平人概論
辦理未能畫一是以奏准悉依罪人不拒捕及
已就拘執而擅殺之專條以爲辦理殺姦之正

例正所以懲淫惡而伸義忿也至于威力主使他人毆打致死之例原指主使毆打平人致死而言若致死犯姦之人自不當照此例問擬此案先經該撫將郭倉五照威力主使爲首律擬絞武有位依下手爲從擬流經臣部以向來辦理有服親屬殺姦之案悉以鬪殺問擬從無援引威力主使之條駁令另行要擬具題去後今據該撫援引乾隆十八年廣東省黃聯亨主使黃尚禮等先後毆溺姦夫黃盤黃姦婦鄭氏依

威力主使律問擬之成案將郭倉五等仍照原擬等因具

題前來查有服親屬捉姦非登時姦所致死姦夫姦婦應照罪人不拒捕已就拘執而擅殺之例問擬已於乾隆二十七年奏准申明成例纂入例本通行其黃聯亨之案在乾隆十八年未經申明成例以前已不當援爲辦過成讞且查黃聯亨係黃姓族長並非例許捉姦之親屬亦與此案有服親屬應許捉姦者不同乃該撫誤會

非登時以鬪殺論之一語輒稱武有位之毆死鄭家訓實出郭倉五喝令所致未便將起意致死之郭倉五輕縱而以聽從下手之武有位坐絞將郭倉五仍以威力致死科罪是舍捉姦之專條牽引平人主使之律殊屬混淆郭倉五合依應許捉姦之親屬殺死不拒捕姦夫照罪人已就拘執而擅殺以鬪殺論例擬絞監候秋後處決郭倉五旣已改照殺姦本例問擬則武有位未便仍依爲從擬流但該犯究係下手致死

之人若照餘人律擬以滿杖未免輕縱武有位
應於餘人律杖一百罪上量加一等杖六十徒
一年雖事犯在

恩詔以前不准減等再該撫原疏內稱郭昭清郭郎
若均合依棄屍水中不失爲從減一等律杖九
十徒二年半至配所折責三十五板武昆若雖
非助毆但幫同武有位將鄭家訓扳倒掇捺合
依餘人律杖一百折責四十板武氏合依軍民
相姦例枷號一個月杖一百折責四十板係犯

姦之婦杖罪的決枷號收贖等語應如該撫所題完結查郭昭清等事犯在乾隆四十一年五月初一日

恩詔以前郭昭清郭郎若所犯徒罪均減爲杖一百武昆若等所犯枷杖均予援免等因乾隆四十一年十月初十日題十二日奉

旨郭倉五依擬應絞著監候秋後處決餘依議欽此

直隸司

一起爲報明事會看得威縣穆本現因與穆懷德之妻賈氏通姦毒害本夫未死誤毒賈氏姐賈二姐身死一案先據直督周元理疏稱緣穆本現籍隸該縣向做花炮生理係穆懷德無服族姪對門居住常相往來穆懷德之妻並不避忌乾隆三十九年五月初六日穆本現至穆懷德家閑遊因見穆懷德外出隨與賈氏調戲成姦迫後乘隙宣淫已非一次嗣穆本現陸續給與

賈氏錢文并買給賈氏皮袄鏡布等物穆懷德並不知情十月內穆本現與閻九成穆懷德各出資本合夥販賣白菜旋因菜有爛葉至十一月初四日晚穆本現與穆懷德在閻九成家同截菜葉更餘時分穆本現先自回歸憶及穆懷德未回隨至賈氏屋內續舊通穆懷德回轉撞遇賈罵并聲言嗣後不許往來穆本現無言而去穆懷德復將賈氏罵罵寢息詎穆本現因與賈氏通姦情熱被穆懷德窺破姦情將其罵罵

禁絕往來不得復與賈氏通姦遂起意將穆懷
德謀害旋取倣炮所剩信渣攪和麪內烙餅一
枚至初十日早將信餅藏于懷內走至閭九成
家中穆懷德因菜係賤置恐被哄騙亦卽踵至
與閭九成一同套車起身將菜拉至沙兒寨舊
賣而賈氏與穆本現破姦之後次日卽赴伊兒
賈忠信家看病至初十日早始行回歸是日閭
九成等賣菜未完卽在沙兒寨店內住宿十一
日又將菜拉至聚園集上賣畢算明賒賬欲行

回家穆本現即起意在途將穆懷德毒害復在
集上買得好餅一張欲給與閆九成共食以圖
事發得以狡賴即將好餅與信餅藏放空囊之
內復在集共飲黃昏時分一同套車回歸行至
中途穆本現聲言帶有麪餅欲食與否閆九成
等俱稱有餅卽食穆本現將餅遞給穆懷德
復將好餅給與閆九成各行取食穆懷德甫入
數口因餅墊牙揣入懷內旋卽嘔吐路由方家
營經過穆懷德因嘔吐之後欲赴該村伊妻兄

賈忠信家住宿穆本現同閭九成趕車回歸穆
懷德卽赴賈忠信家叫門經賈忠信開門放入
見其嘔吐當面查問穆懷德答覆酒醉賈忠信
卽燒水與飲安頓就寢瞥見穆懷德懷內掉落
麪餅隨手拾放鍋蓋之上十二日早賈忠信之
女賈大姐賈二姐見餅欲食賈忠信隨將餅給
與二女分食賈二姐餅未食完旋同賈大姐均
各嘔吐身死賈忠信見餅有毒喚起穆懷德查
問穆懷德答稱麪餅係穆本現給與隨卽回家

向伊妻告知往穆本現查問毒餅來歷穆本現稱係集上所買焉得有毒且曾給與閭九成共食爲詞隨令穆懷德赴閭九成家詢問並未有毒穆懷德隨同穆本現偕赴賈忠信家隨將伊女吃剩之餅令穆本現看視穆本現將餅奪過假意欲食經賈忠信打落穆本現堅稱信餅係集上所買聲音欲尋賣餅之人賈忠信見其詞辯甚力信以爲實又因餅係穆懷德帶去恐告官連累隨將伊女賈大姐賈三姐私埋寢息迄

至二十七日地方薛立冬自外探親回歸聞知
前情往向穆本現查問穆本現不能隱瞞據實
告知并捏稱賈氏亦屬知情報縣驗訊詳報嗣
據該縣詳報犯供狡展_臣復提犯屢審供認前
情不諱將穆本現比照殺一家非死罪二人者
斬例擬斬立決賈氏照姦夫自殺其夫姦婦雖
不知情絞律擬絞監候等因具題經_臣部等衙
門將穆本現照擬核覆并聲明姦夫自殺其夫
姦婦雖不知情亦坐以絞罪者蓋因本夫之被

殺實由姦婦而起故雖非知情同謀亦不得寬其死罪至姦夫謀害本夫傷而未死自與業被殺死者有間若將不知情之姦婦概擬絞首反與本夫已被殺死不知情之姦婦無所區別此案穆本現因與賈氏通姦被穆懷德窺破姦情起意謀害本夫傷而未死賈氏既不知情該督將賈氏照本夫已被姦夫殺死之律擬以絞候與例不符應令該督力行酌擬具題到日再議等因具題乾隆四十一年十二月十二日奉

旨穆本現着卽處斬餘依議欽此行文該督在案今
據直隸總督疏稱查賈氏雖與穆本現通姦以
致穆本現起意謀害本夫幾遭慘毒但該氏旣
不知情伊夫又未殞命若一律擬絞誠與姦夫
謀殺本夫已死者無所區別似應酌減問擬將
賈氏照律量減擬流收贖不准援減等因具
題前來查律載姦夫自殺其夫姦婦雖不知情絞
監候又名例內開律無正條比照某律某例加
一等減一等科斷恭候

諭旨遵行等語今賈氏雖與穆本現通姦以致穆本
現起意謀害伊夫傷而未死但賈氏既不知情
伊夫又未殞命若將賈氏擬以絞首與本夫業
被殺死者無所區別查律例內並無姦夫自殺
其夫傷而未死姦婦並不知情作何治罪之條
似應比律科斷應如該督所題賈氏比照姦夫
自殺其夫姦婦並不知情絞監候律上量減一
等杖一百流三千里係犯姦之婦杖罪的決流
罪收贖雖事犯到官在乾隆四十二年五月初

一日

恩詔以前業已量情酌減應不准其再減恭候
諭旨遵行該督既稱該氏因與穆本現通姦致令伊
天幾被毒害未便仍令穆懷德領回應將賈氏
當官價賣身價入官等語應如該督所題完結
等因乾隆四十二年八月初八日題十八日奉
旨依議欽此

山東司

一起爲報明事會看得卽縣民宋坤因妻張氏
與高哲通姦過令張氏割同殺死高哲一案先
據山東巡撫國泰疏稱緣宋坤與高哲同庄居
住並無嫌隙高哲家有碾一盤庄隣共向借用
乾隆三十五年間宋坤之妻張氏至高哲家借
碾推使高哲遂與張氏調戲成姦嗣後乘便宜
淫已非一次宋坤因患麻瘋病症夫婦各寢張
氏常約高哲至家姦宿亦不記次數宋坤及母

陶氏均未知情三十九年冬月不記日期傍晚
高哲潛至宋坤門首與張氏約姦經宋坤之叔
宋士偉卽疑高哲與氏有染當向其妻徐氏訴
及迨四十年十月初旬張氏與徐氏索錢吵鬧
徐氏憶及前情信口暴揚張氏心虛不敢與較
當經宋坤聽聞逼問張氏承認宋坤氣忿卽欲
殺死張氏因伊母力勸而止隣人姜月祥亦曾
風聞其事宋坤忿恨難釋當令張氏誣誘高哲
至家殺死洩忿始貸一死之語張氏曰切畏懼

至十二日張氏赴井汲水適遇高哲向張氏訂約是夜前往續好張氏以其夫正適其誑誘至家卽行許諾歸告宋坤宋坤令其至時赴哲更餘時分高哲果踰牆潛赴張氏臥室解衣上炕先寢張氏潛告宋坤宋坤攜帶刀石復令張氏攜刀幫助同至炕前宋坤持石力砸高哲額顱並卽棄石搯其咽喉持刀連扎且逼令張氏幫扎致傷左額角左眉左血盆骨左胎膊左乳左肋膺肚等處殞命宋坤卽令張氏點燈照視恐

其不死扳轉屍身復用刀扎傷臂膊左後肋二處同張氏移屍撩棄該縣城跡嗣經地方人等報縣驗詳供認不諱將宋坤依姦夫已離姦所本夫殺非登時依不拒捕而擅殺律擬絞監候張氏依謀殺人從而加功律擬絞監候等因具題經臣部等衙門以此案高哲與宋坤之妻張氏通姦已屬有罪之人宋坤詢出張氏姦情卽欲將張氏殺死經伊母力勸而止迨後宋坤愈恨莫遏令張氏詎誘至家殺死實屬義忿與擅

張氏幫扎高哲係因本夫宋坤逼脅其動手加
功亦在宋坤用刀石毆扎多傷之後但宋坤欲
殺高哲已先向張氏告知張氏聽從詎誘高哲
至家復幫同殺死實屬謀殺竊從以罪人而殺
罪人法難寬假前擬將宋張氏依謀殺人從而
加功律擬以絞候正與名例所載一家人共犯
罪而首從本罪各別若依本律首從論之律意
相符似無枉縱宋張氏應仍照前擬合依謀殺
人從而加功絞監候等因具題經臣等查名例

載一家共犯罪侵損于人者以凡人首從論此
係指本犯與一家人共犯一罪者而言又若共
犯罪而首從本罪各別者各依本律首從論註
云如甲引他人共毆親兄田依弟毆兄律杖九
十徒二年半他人依凡人鬪毆論此係指本犯
與外人共犯一罪者而言律義判然不得割載
牽用此案張氏與高哲雖係姦夫姦婦均屬有
罪之人但張氏先因與高哲遜姦被本夫宋坤
盤出欲殺因伊母力阻而止宋坤忿恨難釋卽

逼令張氏往誘高哲至家殺死始貸一死嗣張氏赴井汲水適遇高哲向該氏訂約續好張氏以其夫正逼其誣誘即行許諾是夜高哲卽至張氏房內脫衣卧炕欲圖姦宿張氏告知伊夫卽攜帶刀石毆扎高哲咽喉等處身死並令張氏幫扎二下正與一家人共犯罪有侵損於人者以凡人首從論之律相符未便率引親屬將引他人共犯罪而首從本罪各別各依本律首從之律定擬以致割截律文罪有出入且張氏

詎謂其妻夫實係聽從夫言畏死所致是宋
坤擅殺罪人該犯婦即屬擅殺爲從自不得以
謀殺人從而加功問擬今起意謀殺姦夫之宋
坤該撫因其激於義忿既已畧其謀殺之罪援
照擅殺罪人例以鬪殺論擬以絞候乃于聽從
逼脅之張氏因其犯姦復另照謀殺加功律擬
絞一事兩擬引斷牽混與律未協不便率覆應
令該撫詳核律文再行妥擬具題到日再議等
因題駁去後續據該撫疏稱查宋張氏與高哲

雖係姦婦姦夫均屬有罪之人但張氏先與高哲通姦被本夫宋坤盤出欲殺因伊母力阻而止宋坤忿恨難消逼令張氏誑誘至家殺死始貸一死張氏被逼逼高哲卽行誑誘至房卧炕圖續舊好宋坤因張氏潛向告知卽攜帶刀石毆扎高哲咽喉等處身死並逼令張氏幫扎二下則張氏之誑誘幫扎姦夫實係聽從夫言畏死所致宋坤旣照罪人不拒捕而擅殺以鬪殺論律擬以絞候張氏應照餘人律擬杖一百

查該犯婦謝同擅負移屍攬棄將宋張氏擬徒等因具

題前來應如該撫所題宋張氏合依毆殺人案內聽從擅埋之人如審係在場幫毆有傷律應滿杖者照棄屍不失律杖一百徒三年例應杖一百徒三年係犯姦之婦杖罪的決徒罪收贖等因乾隆四十三年七月二十七日題八月初四日奉

旨依議欽此

湖廣司

一起爲稟報事會看得祁陽縣審解張雲衢砍傷
陳亞長身死一案先據湖南巡撫顏希深疏稱
緣張雲衢陳亞長俱籍隸廣東陳亞長係張雲
衢總麻表弟素無嫌怨張雲衢因胞伯張鳳英
遷居寧遠種地乾隆四十一年十二月初四日
攜妻程氏並幼子二人自粵往投張鳳英覓地
耕種二十五日途遇陳亞長詢知欲往寧遠販
買棕片張雲衢因係同路托其幫挑行李許給

工錢二百文是晚同在飯店住宿張雲衢程氏
各帶一子分鋪睡卧陳亞長另宿一鋪乘張雲
衢睡熟潛與程氏行姦程氏勞倦睡熟誤認伊
夫朦朧莫辨被陳亞長姦畢仍回已鋪就寢二
十六日仍復一路同行是夜又寓飯店二房歇
息陳亞長聽聞張雲衢往外出恭又往程氏鋪
上圖姦時程氏睡醒明知伊夫外出係陳亞
長因店客衆多慮及張揚出醜當即報復而止
二十七日早起身陳亞長挑擔後走程氏將贖

亞長二十六日夜圖姦之事告知張雲衢令其
不必同行張雲衢氣忿隱忍隨借陳亞長行走
遲緩爲詞與之吵鬧而散程氏因陳亞長爲人
不端心生疑惑問之張雲衢二十五夜未與同
宿始知已被陳亞長冒姦卽向張雲衢告知張
雲衢愈加氣忿直候至二十九日張雲衢夫婦
在途遇見陳亞長張雲衢起意殺害假意修好
誘令同至張鳳英家其時張鳳英外出伊子張
添紅卽留陳亞長等酒飯張雲衢向張添紅借

錢二百給陳亞長以爲工價時陳亞長欲赴猺山買棕張雲衢詭稱幫賣陳亞長卽攜扁擔被包與張雲衢同至禮桂冲山下陳亞長先走張雲衢四顧無人拔取身佩小尖刀砍傷陳亞長項頸陳亞長用扁擔轉身回毆被張雲衢格落又用刀砍其偏左陳亞長用右手抵格被張雲衢砍落手指又砍傷頂心陳亞長側跌倒地張雲衢用手向按將刀倒轉致傷已手刀復脫落拔取腰間鐵尺連打陳亞長左胳膊左肱下

骨折又戳其左臂膊兩下張雲衢順取陳亞長被包而回包內有錢一千四百文時有范魁高在山上砍柴望見張雲衢與陳亞長打架後見陳亞長已經殞命因素不認識致未聲張四十二年正月初二日有盤永柴瞥見屍身告知保長盤永光查看因不知死者姓名又不知兇手何人復恐野獸殘毀隨雇吳正魁劉廷瑞將屍暫埋迨後范魁高在張添紅門首遇見張雲衢認係兇犯當向梁英彩告知拿獲稟縣供認不

諱將張雲衢依罪人不拒捕而擅殺以鬪殺論
外姻尊長毆總麻卑幼至死者絞律擬絞監候
等因具題經臣部等衙門以讞獄務得真情擬
罪方歸允當至冒姦之案尤屬曖昧苟非實有
證據更不得據一面之詞遽行定讞此案張雲
衢因陳亞長冒姦伊妻程氏將陳亞長殺死後
復將陳亞長行李掠取之處細核前後供招雖
據張雲衢夫婦供指冒姦屬實該撫亦曾以冒
姦並無對証張雲衢現將陳亞長錢物攫取恐

有圖財謀命等情駁飭覆審而張雲衢辯稱若
妻子不曾被姦何肯自認這樣的醜事陳亞長
本屬窮人並無多餘銀錢又係繼麻表弟何肯
害他性命等情似屬可信但奸人見財謀命不
盡在財物之多寡兇犯圖避重罪又何恤乎蒙
恥且查閱供詞張雲衢住店果否與陳亞長一
房住宿承審官並未將各店主傳案質審張雲
衢刀砍陳亞長彼此交手多時豈無一言囁聞
維時在山砍柴之范魁高既事後尚能辨認張

張衢面貌何當下並未曾聞其語言疑實種種
毫無確據是張雲衢起意致死陳亞長之處恐
另有謀故別情自應詳鞠實情按律定擬方爲
允協卽或審無別故實係因姦起衅然事隔數
月殺非姦所若無確實見聞亦不得竟以擅殺
罪人科斷今該撫僅據兇犯夫婦一面之詞遽
將張雲衢照擅殺律定擬絞首具題殊未允當
等因題駁去後今據該撫李湖疏稱遵卽提集
犯証逐加研訊緣張雲衢娶妻程氏與繼麻表

弟陳亞長時相往來乾隆三十八年張雲衢外出陳亞長在伊家幫工與程氏調戲成姦此後時相姦好張雲衢並不知情三十九年陳亞長遠出傭工不復往來張雲衢在家遊蕩不務本業四十一年十一月內伊父張雁英將其逐出貧難度日伊有親伯張鳳英久遷湖南寧遠縣地方張雲衢欲攜妻子投奔相依種山十二月初四日程氏挑衣箱被蓋張雲衢用籬擔肩挑兩子同行二十五日行至廣東樂昌縣會遇陳

亞長詢知挑脚轉回陳亞長見氏力疲募圖續
姦自愿代挑同往種山張雲衢盤費用盡向其
借貸陳亞長卽在墘肚內取給錢四百文是晚
歇店見陳亞長包袱內尚有錢一千文張雲衢
一併借取收入箱內途中見陳亞長與程氏嬉
笑無度知其屬意遂與程氏密商如同調戲不
必拒絕若果通姦不惟借錢無需措還將來種
山亦可藉其力作程氏應允張雲衢卽在店房
開設地鋪三個令程氏睡于中間張雲衢與陳

亞長名睡一邊陳亞長遂與程氏姦宿張雲衢
佯爲不知二十八日張雲衢見陳亞長在途向
氏捏奶戲謔無忌因思伊伯張鳳英賦性嚴謹
恐被看破出醜難以安身欲遁陳亞長暫時轉
回俟伊尋有山地寄信喚來夥種可圖久處與
程氏商允向陳亞長告知陳亞長向索前欠張
雲衢承認衣物賣錢湊還陳亞長復索挑擔工
價張雲衢因一時不能變賣清給陳亞長仍與
張雲衢同行陳亞長在途剃頭張雲衢撇開與

伊妻挑擔先走趕至水達鋪與張鳳英相遇陳
亞長落後張雲衢將伊長子留交張鳳英帶回
自同程氏前行陳亞長隨後趕至水達鋪見張
雲衢之子在張鳳英處卽向張鳳英查問張雲
衢去向並以拐子斥罵張鳳英聽聞理論陳亞
長互相分辨同至張鳳英家張鳳英後至向張
雲衢怒罵拐人何物致被中途罵辱氣忿進內
張鳳英之子張添紅查詢陳亞長以欠錢回答
張添紅遂脩錢二百文給張雲衢轉交陳亞長

稱欲買棕以錢數未足不受張雲衢因見陳亞
長索欠不收遂邀陳亞長同赴冲尾伊大伯張
秀英家措錢給還如一時無錢卽賒棕抵算陳
亞長應允偕往禮桂冲時卽遇雨雪交加避入
岩下坐地吃烟張雲衢向陳亞長言及中途姦
宿程氏伊俱知悉欠錢勸其緩索陳亞長聞欲
以姦抵欠措錢顯係假局怒斥其非卽欲起身
轉回張鳳英家聲言揚其賣姦醜事張雲衢一
時忿恨頓起殺機卽取原帶尖刀隨後赶上砍

其項頸陳亞長轉身舉擔毆傷張雲衢左臂膊
張雲衢復用刀砍其偏左頂心陳亞長舉拳向
毆張雲衢以刀欲落右手四指陳亞長側跌倒
地張雲衢手中之刀因血污柄滑天冷手僵隨
勢摔落坎下卽取腰間鐵尺連打其左脰膊左
肱肱又用鐵尺刀柄戳其左臂膊二下殞命張
雲衢因衣服血污下坎赴溪洗滌見原刀在彼
隨取刀至溪邊連衣一併滌淨手執刀柄帶回
不期足滑失跌跪地執刀之手向地一挂致刀

尖觸石刀柄攔出手掌刀刃割傷手指將刀丟棄而回有盤永榮赴山見有傷斃身屍報知保長盤永光出錢雇倩夏正魁等將檢獲鐵尺尖刀同屍暫行掩埋密訪正兇二月初四日有范魁高挑桐子至梁英彩榨坊打油住歇與朱德明李正坤彈錢賭博范魁高輸與李正坤錢一千二百文將桐子抵錢清結懼父責打不敢歸家留宿榨坊梁英彩以禮桂冲無名身屍咸疑張添紅輩弟所殺教誘范魁高指証張添紅在

場伊家道殷實即可詐銀分用范魁高應允梁
英彩告知保長盤永光向范魁高查問相符向
張添紅索銀一百二十兩代爲調處張添紅隨
將張雲衢捆縛送縣驗訊張雲衢供稱陳亞長
中途代挑行李在店歇宿冒姦伊妻事後知覺
忿恨殺死順取其被包錢文而回張添紅並未
在場等情將張雲衢照依罪人不拒捕而擅殺
律擬絞審題接准部駁飭令研審供認前情不
諱查陳亞長雖係張雲衢外姻總麻表弟但張

雲衢貪錢縱令伊妻與陳亞長姦宿已失尊長
之義今因縱姦欠錢無還將陳亞長立時殺死
事犯到官又教令伊妻誣指陳亞長冒姦未便
仍按服制科斷應依律擬斬監候程氏梁英彩
范魁高擬徒李正坤等分別擬以枷責等因具
題前來據此應如該撫所題張雲衢合依故殺者
斬律擬斬監候秋後處決照例刺字該撫既稱
程氏合依姦內外總麻以上親之妻者各杖一
百徒三年係犯姦之婦杖罪的決徒罪收贖范

魁高等在梁英彩店內賭博訊係偶然會聚並非梁英彩開場窩賭其因范魁高賭輸無措教令誣指張添紅在場異圖詐銀情殊刁惡不便因非案內証佐稍爲寬縱梁英彩范魁高除賭博輕罪不議外均照証佐不言實情故行誣証致罪有出入減罪人罪一等律應減所誣死罪二等杖一百徒三年至配所各折責四十板李正坤合依賭博例枷號兩個月杖一百折責四十板等語均應如該撫所題完結等因乾隆四

十四年三月初一日題初四日奉

旨張雲衢依擬應斬著監候秋後處決餘依議欽此

雲南司

世祀後淫其子實係激于義心非姦所容時雖有疑然父風

念情原雖念愧自是者即罪人不非捕而搜投本例同辦新例

一起爲報究事會看得文山縣客民申張保卽申

忠義毆死高應美情事敗露以致伊父申茂盛

伊母胡氏先後服毒身死一案據雲南巡撫裴

宗錫疏稱緣高應美與申茂盛均籍隸楚南永

州永縣屬西酒街各開小舖生理素無嫌隙申

茂盛娶妻胡氏平日和好所生三子長子申張

保另在龍岱地方耕種居住相距十里乾隆四

十二年十一月內高應美意圖回籍將店頂給

與人因賤未收情寄寓申茂盛家與伊妻胡氏
不避嫌疑屢爲申茂盛撞見遂相反目申張保
往勸數次申茂盛俱隱忍未言四十三年三月
十五日申茂盛鬱結成疾申張保復往看視申
茂盛始將情由密行告知申張保欲接伊母同
居先回收拾至十九日胡氏被夫責逐奔至伊
子申張保家居住二十日下午申張保攜棍往
山挑柴路遇高應美欲往伊家申張保用言阻
止高應美嗔其不應互相詈罵高應美拾石向

擲申張保閃過順用所帶挑柴木棍向毆致傷
高應美顛門仆地高應美復順手摸取石塊申
張保恐其起身趕毆又用棍頭向戳致傷高應
美腎囊殞命申張保將屍拖至屋旁是晚商同
伊母擡屍赴山棄入石洞并用柴草掩蓋洞口
希圖滅跡而散四月初七日經屍兄高應復投
鳴客長街鄰尋獲高應美所穿布鞋并於申茂
盛家將高應美存放衣物錢文查明領回將申
張保押解赴縣詎申茂盛胡氏忿激羞愧先後

服毒身死報縣驗詳審解覆訊據申張保供認
前情不諱究因途中口角爭毆致傷身死並非
有心欲殺似無遁飾查申張保與高應美鬪毆
用棍頭戳斃其命罪應論死乃因情事敗露以
致伊父母二人先後服毒自盡較之父母一人
自盡者情罪尤重申張保除棄屍不失輕罪不
議外將申張保卽由忠義依例擬絞立決等因
具

題前來臣部照擬核覆奉

旨刑部等衙門題覆雲南文山縣民申張保毆死高
應美致伊父母先後服毒身死一案將申張保問
擬絞決固係按律議罪而揆其情節實未允協凡
子犯死罪致令父母自盡擬以立決者原爲其子
違犯教令及身犯不端之事致累其親忿恨自戕
此等孽種斷不可復留於人世例意顯然今此案
申張保因高應美與其母胡氏不避嫌疑屢爲其
父申茂盛撞見遂相反目申張保曾經往勸數次
嗣其父鬱結成疾申張保往視始將情由密行告

知及胡氏被夫責逐卽奔至申張保家居住後高應美途遇申張保復聲言欲往伊家見其母申張保用言阻止高應美輒行與罵拾石向擲申張保情急始用所攜木棍毆戳致斃後經事發申茂盛胡氏忿激羞愧先後服毒身死是此案釀因伊母胡氏與高應美有姦淫惡欺凌實爲爲子者所宜恨且申張保始而勸解其父繼復接母同居並無不合迨後姦夫欲往其家明係圖姦其母此而再不心生忿恨任聽其母與人苟且則竟無復廉恥

之心且將置其父於何地乎是申張保之毆死高
應美實出於義憤殊堪矜憫而申茂盛胡氏之死
由於姦情敗露忿愧輕生並非申張保貽累若亦
予以立決未得事理之平但非於姦所殺死姦夫
自不能免罪擬以絞候亦足矣此本著交九卿會
同該部另行妥酌定例具奏嗣後遇有此等案情
卽照新例辦理朕綜理庶獄無論案情鉅細悉爲
反覆權衡折中至當如其子白作罪惡致親忿激
輕生則當立正典刑以申明刑弼教之義若似此

案之殺姦因雪恥而成親死非波累所致則不宜
卽予纓首致乖明慎用刑之文內外問刑衙門並
當深體朕意慎重聽讞並將此通諭知之欽此欽
遵臣等跪讀之下仰見我

皇上明慎用刑惟允惟平之至意伏查例載子孫罪
犯應死及謀故殺人事情敗露致其祖父母父
母白盡者卽照各本犯罪名擬以立決等語細
譯例義原專指兇惡不法之徒忘其身以及其
親者而言竊核其犯罪之由旣屬孽由自作復

累其親以憂忿恨情極自戕是誠罪不容誅
斷不可稍稽顯戮擬以立決自屬允當至若母
犯姦淫經伊子非姦所登時將姦夫殺死父母
因姦情敗露忿愧自盡似此案情在爲子者殺
死姦夫實係情切天倫事關義忿推其身罹重
辟皆緣伊母之敗名喪節相激而成並非自作
罪惡則其父母之羞忿輕生亦由自取以視子
犯應死致累其親自盡者情節自屬不同若將
此等案犯一例擬以立決則是與累親致死者

無所區別於情理實不得其平臣等悉心酌議
請嗣後凡母犯姦淫其子實係激于義忿非姦
所登時將姦夫殺死父母因姦情敗露忿愧自
盡者卽照罪人不拒捕而擅殺絞監候本例問
擬不得概擬立決如此酌定專條庶援引不致
參差而情法益昭允協矣恭候

命下

臣

部載入例冊並通行直省各督撫問刑衙門

一體遵照辦理

所有申張保一犯卽照新例改

依罪人不拒捕而擅殺以鬪殺論律擬絞監候

秋後處決餘仍照刑部等衙門原擬完結臣等
謹會同九卿合詞具

題諸

旨等因乾隆四十三年十二月十四日題十六日奉
旨申張保依擬應絞着監候秋後處決餘依議欽此

山東司

一起爲稟報事會議得東平州民聶天秀因被殺
死周禮致伊母聶謝氏受傷一案據山東巡撫
明興疏稱聶天秀隨母謝氏至外祖謝在天家
居住近隣周禮乘間與謝氏調戲成姦謝在天
聶天秀均不知情乾隆四十六年正月二十九
日夜周禮赴謝氏房內姦宿聶天秀聽聞牛叫
疑賊攜刀出看順至伊母房外憶及伊母住房
無門恐賊潛躲屋內掀簾進屋瞥見周禮在伊

母炕上赤身坐起氣忿莫遏刀砍周禮右肩甲
謝氏亦卽側身爬起適迎刀口帶傷偏右聶天
秀復砍周禮左手背大指右手腕並扎其右肋
肚腹謝氏上前奪刀自行割傷手指聶天秀隨
卽住手周禮業已殞命供認不諱聶天秀除姦
所登時殺死姦夫輕罪不議外將聶天秀依子
毆母律擬斬立法併聲明該犯殺姦誤傷與逞
兇干犯者有間擬以斬決未免情輕法重聽候
部議等因具

題前來查乾隆四十三年十二月內臣部議覆原
任雲南巡撫裴宗錫題申張保毆死姦夫高應
美致伊父母服毒身死將申張保照子犯應死
致其父母自盡例擬以絞決等因一案奉

旨刑部等衙門題覆雲南文山縣民申張保毆死高
應美致伊父母先後服毒身死一案將申張保問
擬絞決固係按律議罪而揆其情節實未允協此
案雖由伊母胡氏與高應美有姦淫惡欺凌實爲
爲子者所宜恨追從姦夫欲往其家明係圖姦其

母此再不心生忿恨任聽其母與人苟且則竟無復廉恥之心且將置其父於何地乎是申張保之毆死高應美實出于義憤殊堪矜憫而申茂盛胡氏之死由于姦情敗露忿愧輕生並非申張保貽累若亦予以立決未得事理之平著交九卿會同該部另行妥酌定例具奏嗣後遇有此等案情卽照新例辦理內外問刑衙門並當深體朕意慎重聽讞並將此通諭知之等因欽此欽遵經九卿會同臣部議將申張保依姦姦所將姦夫殺死照

罪人不拒捕而擅殺例擬絞監候題准在案是
子由義憤非姦所殺死姦夫致父母忿愧自盡
止科擅殺之罪則姦所登時殺死姦夫誤傷伊
母者情節尤輕自當準情定罪以昭平允今據
該撫研訊聶天秀實係義憤殺姦誤傷伊母并
據謝氏等供情符合臣等詳核案情聶天秀自
擊周禮與伊母姦宿實爲爲子者所宜忿恨誠
如

聖諭若任聽其母與人苟且則竟無復廉恥之心將

置其父於何地至該犯刀砍姦夫謝氏起身適迎刀口招傷偏右復向奪刀自行割傷手指實非該犯思慮所及且因伊母奪刀隨即住手並無逞兇于犯情事若照子毆母律擬以斬決是使殺姦雪恥誤傷其母者竟與逞兇于犯惡逆之子漫無區別查申張保一案係非姦所殺死姦夫是以卽照罪人不拒捕而擅殺本律問擬絞候今聶天秀姦所獲姦登時殺死姦夫律應擬徒其過失致傷父母亦應擬徒自當從一科

斷聶天秀應照過失傷父母律杖一百徒三年
聶謝氏應照軍民相姦例枷號一個月杖二百
等因乾隆四十七年十月初十日題十二月奉
旨依議欽此

廣東司

附錄 陳萬財素與王文哲素識往來乾隆四十四年六月初八日陳萬財赴廣西賈易遺妻吳氏在家十二日王文哲前往探望遂與吳氏調戲成姦以後時往宜淫已非一次隣佑黎張氏等共知八月初六日王文哲因欲往石埗趁墟復至吳氏家姦宿送給耳環一對初七日上午

一起爲被殺等事會看得合浦縣民陳萬財等謀

殺姦夫王文哲身死一案據廣東巡撫李湖疏

稱緣陳萬財素與王文哲熟識往來乾隆四十

四年六月初八日陳萬財赴廣西賈易遺妻吳

氏在家十二日王文哲前往探望遂與吳氏調

戲成姦以後時往宜淫已非一次隣佑黎張氏

等共知八月初六日王文哲因欲往石埗趁墟

復至吳氏家姦宿送給耳環一對初七日上午

王文哲與吳氏在中廳說笑適陳萬財旋家撞見查問王文哲以趁墟經過回答即行辭去陳萬財心疑向吳氏根究吳氏抵賴陳萬財舉拳毆打經隣婦黎張氏陳洪氏聞聲赴勸吳氏始將通姦實情吐露陳萬財氣忿起意將王文哲殺害因一人不能制伏適素好之黃殿才在田工作走回從陳萬財門首經過陳萬財瞥見趨出喚住將前情訴知邀其幫助黃殿才不允陳萬財以有事獨認決不拖累之言再三求懇黃

殿才允從陳萬財知王文哲從石埭回家必經
埭垌地方商定彼處下手遂各攜帶尖刀同往
埭垌等候陳萬財望見王文哲走近上前斥罵
王文哲姦辱伊妻之非王文哲回詈陳萬財刀
砍王文哲右手腕黃殿才亦刀砍王文哲髮際
三下王文哲向前撲毆陳萬財復連砍王文哲
偏左額顱左肱肘殞命陳萬財等各卽奔逸比
屍兄王文安尋獲屍身投保報縣供認不諱將
陳萬財依例擬絞監候黃殿才擬絞監候吳氏

擬以枷杖等因具

題前來應如該撫所題陳萬財合依本夫捉姦已
離姦所殺死不拒捕姦夫照罪人不拒捕而擅
殺律擬絞監候例擬絞監候秋後處決該撫疏
稱黃殿才非例許捉姦之人應照凡人謀殺論
黃殿才依謀殺人從而加功者絞監候律擬絞
監候秋後處決吳氏合依軍民相姦例杖一百
枷號一箇月杖罪的決枷罪收贖事犯到官雖
在乾隆四十五年正月初一日

恩詔以前但吳氏與人通姦致其夫身羅重罪杖罪
的決枷罪收贖追出贖銀與所得王文哲耳環
一併入官等語查本年十月內臣部條奏嗣後
凡姦情確鑿本夫及應許捉姦親屬起意殺死
姦夫案內無論應許捉姦之親屬及不應捉姦
之外人實係激於義忿聽從加功者悉照共毆
餘人律杖一百并聲明黃殿才卽改照餘人擬
杖等因奉准在案應將黃殿才一犯遵照新例
改依餘人律杖一百雖事犯在

恩詔以前應不准其援免餘均應如該撫所題完結
等因乾隆四十五年十一月十四日題十六日
奉

旨陳萬財依擬應絞著監候秋後處決餘依議欽此
湖廣司

一起爲報明事會有得宜都縣民向萬友等捉姦
捆溺許添佩身死一案據湖北巡撫鄭大進疏
稱緣許添佩曾與向萬友之兄向萬秀合夥貿
易拜與向萬友之母廖氏爲乾子常相往來乾

隆四十一年正月內向萬秀病故許添佩與向
萬秀寡妻丁氏調戲成姦以後乘便宜淫已非
一次四十三年十一月初一日許添佩復與丁
氏行姦經向廖氏撞獲許添佩當即奔避向丁
氏哀求廖氏隱忍禁止往來四十三年秋間廖
氏同向萬友遷厝另住許添佩時與丁氏姦宿
經廖氏聞知氣忿囑子向萬友捉拏向萬友因
恐許添佩力大隨邀堂兄向萬方堂弟向萬長
並附近楊坤張安邦等十一人往捕齊至丁氏

家內見許添佩與丁氏在廚房同坐廖氏與向萬友喝眾捕捉許添佩卽拾丁氏家蠻刀拒砍張安邦用身佩小刀連扎許添佩兩手腕捆住正欲解官詎許添佩反加辱罵並稱送官不過責打回來定將向萬友一家殺害向萬友以許添佩姦污伊嫂復慮日後仇害卽起意棄水溺死當邀向宗理擡腳該犯擡手行至溪邊向萬友將許添佩推入水內因溪河水淺不能淹死向萬友令向宗理下溪將許添佩兩腳提起向

萬友用繩捆住仰面溺斃驗訊不諱查許添佩
與向丁氏通姦已據丁氏等供明屬實本屬有
罪之人但向萬友已邀人捕獲並不送官究治
輒棄水溺斃實屬擅殺將向萬友依律擬絞監
候張安邦擬徒援減向丁氏等擬以枷杖援免
等因具

題前來應如該撫所題向萬友合依罪人已就拘
執而擅殺以鬪殺論鬪殺者絞律擬絞監候秋
後處決該撫疏稱向案理合依餘人律杖一百

折青四十板張安邦刀戮許添佩左右肱肘等處合依刃傷人者杖八十徒二年楊坤等訊係幫同捆獲並無毆打情事均無庸議向丁氏合依軍民相姦例枷號一箇月杖一百係犯姦之婦杖決枷贖各犯事犯在乾隆四十五年正月初一日

恩詔以前張安邦所得徒罪應減爲杖一百折青四十板向宗理所犯杖罪並予寬免向丁氏並免收贖給付伊姑廖氏聽其去留等語查向氏犯

姦醜命情罪較重所犯枷杖應不准其援免仍
令照例杖罪的決枷號收贖餘均應如該撫所
題完結等因乾隆四十五年十一月十六日題
十八日奉

旨向萬友依擬應絞著監候秋後處決餘依議欽此
刑部謹

奏爲酌定幫同殺姦之例以歸畫一事竊查律例
內捉姦致死各條已屬縷晰周詳惟本夫及例
許捉姦親屬起意殺姦糾約他人幫同下手致

死此種幫同下手者非例許捉姦之人應作何
治罪向未明立專條外省問刑衙門遇有此等
案件其例應捉姦之正犯依擅殺罪人律擬絞
監候至同謀助力之人有照其毆餘人律擬杖
者又有照尋常謀殺加功擬絞者適輕適重各
省往往參差不能畫一卽如現在湖北與廣東
各有一案到部卽屬參差不一如湖北巡撫鄭
大進題許添佩與向萬友孀嫂丁氏通姦向萬
友邀同堂叔向宗理并張安邦等捉拏將許添

佩藥水溺斃一案該撫將正兇向萬友依擅殺
罪人律擬絞剗同毆死之向宗理照共毆餘人
律擬杖張安邦依刃傷本律擬徒此共毆餘人
擬杖者而廣東巡撫李湖題王文哲與陳萬財
之妻吳氏通姦被陳萬財撞獲邀同黃殿才殺
死王文哲一案該撫將正兇陳萬財依擅殺罪
人律擬絞聲謂黃殿才非例許捉姦照凡人謀
殺加功律亦擬絞候此則以共毆餘人擬絞者
與湖廣省向宗理擬杖之案輕重迥別臣等伏

查例載木夫捉姦已離姦所非登時殺死不拒捕姦夫者照罪人不拒捕及已就拘執而擅殺律擬絞監候查殺姦之案或糾約而徃情近于謀或忿極致死事近于故而例許捉姦之人均畧其謀故之情而以擅殺罪人論者蓋死係罪人殺出義忿是以不加以謀故之名所以懲淫惡而申義忿也夫擅殺之正兇旣以鬪殺論罪則聽從下手之犯自應以共毆之餘人定擬未便以二人抑一罪人之命且正兇之問擬旣隱

寓矜恤之意予以擅殺罪人之輕而爲從之餘
人轉入于謀殺加功之重于情法實未爲平允
臣等悉心酌議應請嗣後凡姦情確鑿本夫及
應許捉姦親屬起意殺死姦夫案內無論應許
捉姦之親屬及不應捉姦之外人實係激于義
忿聽從加功者悉照其毆餘人律杖一百如有
挾嫌妬姦謀故別情乘機殺害圖洩私忿者仍
照謀故本律問擬庶情法各得其平而引斷不
致岐誤問刑衙門亦永遠得所遵循除廣東巡

駁案新編

卷三

刑部奏請如功
照錄人律

奏

刑部奏

撫具題陳萬財一案臣等照湖北巡撫所題之
案一例改照餘人擬杖另行具題外理合具摺
奏明恭候

聖鑒候

命下時臣部纂入例冊通行直省各督撫一體遵照
爲此謹

奏請

旨等因乾隆四十五年十月初十日奏本日奉
旨依議欽此

河南司

一起爲報明事會看得鹿邑縣民婦李張氏拒姦
誤傷本夫李東海身死一案先據陞任河南巡
撫富勒渾疏稱緣李張氏與李東海結褵七載
素本和好李東海遊蕩不務正業將祖遺財產
耗消偕妻乞食度日乾隆四十七年二月初旬
李東海因貧難度途遇素識之趙三向其借貸
隨用言引誘趙三欲令與伊妻張氏通姦趙三
應允卽同李東海至家張氏因趙三素非認識

卽出言斥逐卽走避十九日晚李東海又與
趙三撞遇復向借錢並捏稱已與伊妻商定令
趙三前往姦宿趙三信以爲實當給李東海錢
五十文一更時分李東海領趙三至家門相近
令趙三獨自推門進內張氏問知因由不依臧
罵趙三畏懼逃逸李東海聞趨回勸慰李張
氏出院哭喊經李東海族叔李添祿等詢悉前
情將張氏勸慰次日送張氏至母家居住嗣李
添祿以張氏避居母家終非長計將李東海喚

至訓誨令其領妻回家李東海復以窮苦難過
勸張氏諸事順從張氏與之少嘆李東海聲稱
將來令與人睡還不及知張氏恐其領人圖姦
隄防愈密後張氏睡夢中聞開門聲響驚覺竊
聽門外說話料有圖姦之人卽取紡車排插防
身喊叫李東海閃至床前手掩氏口張氏疑係
伊夫引人前來強姦隨用紡車排插拒毆致傷
李東海右額角連右眉叢並髮際等處李東海
聲喊倒地張氏聽係伊夫當卽住手喊叫李添

祿等聞聲趨至見一人由李東海門首從東南
跑逸李添祿等進內查問張氏備告前情將李
東海幫同扶卧鋪上李東海傷重至次日殞命
報縣驗詳飭審研究據供前情不諱查李東海
逼妻賣姦李張氏拒姦誤毆伊夫身死供認確
鑿雖係犯時不知但名分攸關自應按律問擬
將李張氏依妻毆夫致死律擬斬立決聲明李
張氏黑夜拒姦誤傷伊夫身死並非逞冤干犯
趙三擬杖等因具

題經

臣

部等衙門以此案供招張氏之夫李東海

因得受趙三錢文屢次抑勒伊妻與趙三通姦
張氏堅執不從併將趙三繫獄李東海恬不知
恥輒稱將來令人睡還不及知張氏隄防愈
密嗣伊夫夜間潛起開門與人低語張氏竊聽
有他儘管進去之言隨即喊叫不料伊夫李東
海進屋閃至床前手掩氏口該氏疑係圖姦之
人隨取紡車排捕拒毆致傷額角殞命是張氏
當黑夜拒毆之時事爲扑姦起見其誤傷伊夫

身死之處委係犯時不知自應依拒姦毆斃圖
姦之人擬斷始與律意符合今該撫既稱張氏
實係犯時不知復稱名分攸關將張氏仍依妻
毆夫至死律擬斬立決查犯時不知之條本專
爲名分所關之案而設該撫並未詳釋律義致
將拒姦與節之婦竟與尋常毆斃本夫者一例
科罪揆諸情理實未允協應令該撫妥擬具題
到日再議乾隆四十七年十一月二十七日題

二十九日奉

旨部駁甚是依議欽此咨行該撫去後今據陞仁巡撫李世傑疏稱查律載本應罪重而犯時不知音依凡人論又例載男子拒姦殺人之案照鬪殺律減一等杖一百流三千里各等語張氏黑夜拒姦誤傷伊夫身死之處審明張氏實因伊夫潛起開門與人說話旋即有人進內手掩其口該氏疑係圖姦之人卽舉紡車排撞向毆並不知係本夫實屬犯時不知自不得仍依妻毆夫至死律定擬前將張氏擬斬立決誠如部駁

實未允協查李張氏拒毆之時本專爲拒姦起見自應照拒姦毆死圖姦之人問擬將李張氏比照男子拒姦殺人之案照鬪殺律減一等候一百流三千里例應杖一百流三千里係婦人照律收贖等因具

題前來查李張氏黑夜拒姦誤傷伊夫身死委係犯時不知自當照拒姦毆斃圖姦之人科斷應如該撫所題李張氏應比照男子拒姦殺人之案照鬪殺律減一等擬杖一百流三千里例應

杖一百流三千里係婦人照律收贖超三仍照
不應重律杖八十折責三十板完結等因乾隆
四十八年六月初九日題十二日奉
旨依議欽此也

江蘇司

一起爲報明叩驗事實看得上海縣僧德見砍死
僧文照葉屍不失一案據署江蘇巡撫書疏
稱緣僧德見籍隸上海自幼在祖師堂披剃拜
僧文照爲師素好無嫌乾隆五十六年六月二
十一日僧德見之母張王氏至廟探望適僧德
見外出僧文照卽與張王氏調戲成姦被僧德
見回歸撞見僧德見將文照斥罵經僱工薛
征觀勸散嗣張王氏仍赴廟中乘便奸宿僧德

見禁阻不止心懷忿激至五十七年三月間僧
文照竟將張王氏留住在廟以至醜聲益彰僧
德見復與僧文照連日抄鬧彼此不認師徒張
王氏因伊子屢次苦勸方始回家四月初三日
更餘時分僧文照飲醉臥牀輒將僧德見辱罵
聲言將來欲接張王氏長住廟內不怕德見不
依僧德見慮恐其母到廟長住愈加出醜若竟
控究又恐連累其母一時忿激起意將僧文照
殺死擣取柴斧走至床邊見僧文照向外厠臥

僧德見用斧砍其左額角連腮腴一下僧文照
聲喊轉身坐起僧德見又連砍其右腮腴及鼻
梁上連服胞各一下僧文照負痛倒床僧德見
又砍其咽喉胸膛各一下卽時斃命僧德見起
意棄屍密跡往告姊夫何年觀恐其相羣將屍
抬至太平橋棄河各散嗣經地保查見浮屍報
驗訊詳審供不諱查例載僧尼因奸盜謀殺弟
子照凡人定擬又本夫本婦有服親屬皆許捉
奸非登時而殺依擅殺罪人律擬絞監候各等

語是僧人犯奸殺死弟子例同凡論而僧人犯奸被弟子殺死並無作何治罪明文僧文照與徒僧德見之母張王氏通奸聚賭確鑿師徒之恩義以絕且僧人犯奸例應勒令還俗與凡人無異似應卽照凡人定斷僧德見除棄屍不失輕罪不議外僧德見依親屬捉奸非登時而殺死奸夫例擬絞監候何年觀等分別擬以徒杖等因具

題前來 查例載母犯奸淫其子寔係激于義忿

非登時將奸夫殺死卽照罪人不拒捕而擅殺
擬絞監候等語此案僧德見因母張王氏與僧
文照通奸勸阻不止嗣文照將張王氏留在
廟日與文照少開不認師徒迨後文照飲醉辱
罵聲言欲接王氏長住廟內不怕德見不依德
見慮母到廟長住出醜若竟控究又恐連累其
母一時忿激起意殺死卽取柴斧將文照登砍
斃命是該犯殺死奸夫是係激于義忿例有事
條應卽照例定擬乃該署撫泛引凡親屬捉奸

非登時而殺之文殊未允協僧德見應改依罪人不拒捕而擄殺例擬絞監候秋後處決該署撫既稱何年觀幫同棄屍合依棄屍不失例杖一百徒三年爲從減一等律擬杖九十徒二年半該犯有父何聖川卽何幅現年七十歲並無以次成丁據縣取結附送應請照例枷責發落存留養親張王氏應照軍民相奸例杖一百枷號一箇月係犯奸之婦杖罪的決枷號折贖等語均應如該署撫所題完結等因乾隆五十八

年二月十二日題十四日奉

旨此案僧德見因僧文照與其母張王氏通奸留在
在廟經僧德見將伊母勸回僧文照復肆行辱罵
僧德見一時忿激擄取柴斧將文照連砍斃命該
撫將僧德見依親屬捉奸非登時殺死奸夫例擬
以絞候援引本爲失當經刑部改依罪人不拒捕
而擅殺例擬絞雖屬照例辦理但張王氏與僧文
照通奸經德見禁阻不止嗣竟留宿在廟復經德
見屢次苦勸方始回家德見心懷忿激欲控官究

治又恐連累其母是德見頗具愛其父母之心而
其母淫賤無耻并無顧子之意迨僧文照因德見
將伊母勸回復肆行詈罵並聲言將來接伊母長
住廟內不怕不依是文照既奸其母又復任意欺
凌更何有師徒之分德見情急難堪用斧將文照
連斃斃命寔屬出于義忿其情甚爲可憫此而問
擬絞候則淫惡者罔知顧忌義忿者轉無以自伸
于情法殊未允協此案僧德見着交刑部改照秋
審可矜之例減等發落餘依議欽此